



PRONI Centar za omladinski razvoj
Tel/Fax: 00 387 49 217 695
E-mail: info@proni.ba
www.proni.ba

PRONI Centar za omladinski razvoj zastupan od strane Generalnog menadžera **Jasmina Jašarevića**

i

Grad Prijedor zastupan od strane Gradonačelnika **Milenka Đakovića**, zaključili su dana 10.8.2020. godine sljedeći

Memorandum o razumijevanju i saradnji između Grada Prijedor i PRONI Centra za omladinski razvoj

Ovaj memorandum se sklapa između PRONI Centra za omladinski razvoj i Grada Prijedor sa ciljem da se ponudi sistemsko rješenje za mlade i njihov razvoj te njihovo uključivanje u društveni život kroz pružanje istih mogućnosti za omladinski rad, volonterski rad i neformalno obrazovanje sa posebnim fokusom na mlade koji žive u Prijedoru.

Član 1.

Memorandum između Grada Prijedor i PRONI Centra za omladinski razvoj (u daljem tekstu PRONI) reguliše prava, dužnosti i obaveze Grada Prijedor i PRONI-ja za zajednički nastup i rad na osiguranju kvalitete omladinskog rada u zajednici i zaključuje se na period od godinu dana, sa mogućnošću produženja do tri godine potpisivanjem memorandoma o saradnju za svaku narednu godinu, a sam prostor dodjeljen PRONI-ju će se koristiti četiri dana u sedmici u trajanju od četiri sata. Radno vrijeme će biti dogovoreno i usaglašeno sa drugim korisnicima prostora.

Član 2.

PRONI će periodično u saradnji sa Gradom Prijedorom pratiti razvoj omladinskog rada u omladinskom klubu Prijedor prema OKORUZ metodologiji (*Osiguranje kvaliteta omladinskog rada u zajednici*).

Član 3.

PRONI i Grad Prijedor će o radu omladinskog kluba Prijedor raditi izvještaje kako bi stvarali konkretne preporuke i argumente za saradnju sa vlastima, i drugim partnerima, u oblasti podizanja kvalitete omladinskog rada u zajednici.

Član 4.

PRONI će uključiti Grad Prijedor u pripremu i realizaciju aktivnosti i projekata vezanih za standard i kvalitetu omladinskog rada u zajednici i u druge projekte od interesa za mlade iz Prijedora u skladu sa svojim mogućnostima.

Član 5.

PRONI će podržati i ohrabriti umrežavanja Omladinskog kluba Prijedor sa drugim omladinskim klubovima članovima Mreže omladinskih klubova BiH kao i umrežavanje sa drugim omladinskim inicijativama u zemlji i inostranstvu.

Član 6.

PRONI će u skladu sa svojim mogućnostima, stvarati uslove za kvalitetan omladinski rad u zajednici kao i za dodatno obrazovanje omladinskih radnika/ca u omladinskim klubovima.

Član 7.

PRONI će preuzeti inicijativu pri pisanju projekata međunarodnim donatorima i fondacijama za namicanje sredstava potrebnih za dalji rad i unaprjeđivanje Omladinskog kluba Prijedor uz partnerstvo Grada Prijedora na projektima.

Član 8.

Grad Prijedor se obavezuje da će plaćati komunalne usluge za prostor koji je predviđen za Omladinski klub Prijedor.

Član 9.

Grad Prijedor se obavezuje da će omogućiti da PRONI nesmetano obavlja sve gore navedene aktivnosti u prostorijama koje dodijeli PRONI-ju za otvaranje i rad Omladinskog kluba Prijedor, uz prethodni dogovor sa rukovodstvom Omladinskog savjeta Prijedor.

Član 10.

PRONI se obavezuje da će izvršiti plaćanja potrebnih radova za stavljanje prostora u svrhe otvaranja Omladinskog kluba Prijedor u iznosu do 8.000,00BAM (nabavku opreme za rad omladinskog kluba i uređenje prostora).

PRONI će osigurati i dodatnu stručnu pomoć u vidu stručne osobe sa dugogodišnjim iskustvom u radu sa mladima koja će zajednički osmišljavati i realizovati aktivnosti u Omladinskom klubu Prijedor sa omladinskim radnikom kojeg predloži Grad Prijedor.

Član 11.

PRONI i Grad Prijedor sve odluke vezane za funkcionisanje Omladinskog kluba Prijedor donose konsenzusom.

Član 12.

U slučaju eventualnog spora nastalog po ovom Memorandumu, strane će nastojati isti riješiti mirnim putem, a u slučaju takve nemogućnosti nadležan je Osnovni sud u Prijedoru.

Član 13.

Ovaj Memorandum sačinjen je u šest istovjetnih primjeraka, od kojih svaka strana zadržava po tri primjerka.

Član 14.

Memorandum stupa na snagu danom otvaranja Omladinskog kluba Prijedor.

